

իսկ եթե լծկան անասունները, գործիքները կամ սերմը տվել է հողատերը, երկու կողմերի մեջ պիտի համաձայնություն կայացվեր լրացուցիչ վարձատրության համար: Տնային և դաշտային աշխատանքների համար հողատերն ամեն մի տասը ծխից պիտի ստանար մեկ մարդ մեկ տարի ժամանակով, ծխից մեկ-մեկ մարդուց ոչ ավելի, այն էլ իր հավատակիցներից և իր ընտրությամբ: Այդ մարդու հացը, զգեստը և բոլոր պետքերը պիտի հոգար հողատերը, ինչպես և նա պիտի վճարեր նրա պետական և հասարակական⁸ տուրքերը: Երրորդ պարտականությունը (բանվորական օրերը) պահանջում էր, որ ամեն ծուխ տարվա մեջ հողատիրոջ պահանջմամբ տար մի մշակ՝ անասունի և գյուղատնտեսական գործիքների հետ միասին — աղալարին՝ 8 օր զանազան ժամկետներին, բեկին՝ 18 օր: Բացի այդ, գյուղացիք պարտական էին գյուղովի, այսինքն՝ էվբեզ⁹, երկու օր աշխատել հողատիրոջ համար: Գյուղացիք պիտի հպատակ և հնազանդ լինեին հողատիրոջը¹⁰, որը միաժամանակ և՛ գյուղացի կառավարիչ էր, և՛ ոստիկանապետ, և՛ նախագահ գյուղական դատարանի, բայց և իր կարողությամբ պատասխանատու էր իր կալվածքի սահմաններում կատարված ավազակության, սպանության, գողության պատճառ հանցագործին չհայտնաբերելու դեպքում, ինչպես և իր իշխանությունն ի չարն գործադրելու դեպքում:

Այսպիսի լիազորություններով օժտված կալվածատերը բնական է, որ հաճախ սանձարձակ շահագործության էր դիմում: Այդպիսի մի շահագործության դեմ ուղղված ժողովրդական ելույթի մանրամասնությունները պահպանվել են այն վավերագրի մեջ, որոնք օգտագործել է Լեոն իր «Պատմություն Դարաբաղի հայոց թեմական հոգևոր դպրոցի»¹¹ աշխատության մեջ՝ նկարագրելով Տեղ գյուղում 1849 թվականին բռնկած բողոքը: Այդ գյուղի տերը Մոդիլեակու և Երմուլով 2-րդի 1823 թ. կազմած ցուցակագրությունից մեզ ծանոթ Ասատ-բեկն էր, կապիտան Ռուստամ-բեկի որդին, որը արդեն կրում է Ռուստամբեկով ազգանունը¹²:

Տեղի գյուղացիք բեկակուն կալվածքների չափն ու սահմանները որոշող մասնաժողովին հայտարարել էին, որ գյուղի հողերը համայնքին են պատկանում և ոչ թե Ասատ-բեկին և որ հողը պիտի գրվի համայնքի վրա: Որովհետև մասնաժողովը այդ պահանջը չէր ընդունում, իսկ գյուղացիք շարունակում էին կրկնել միևնույն պահանջները, դա Շուշու գավառապետի կողմից համարվեց ապստամբություն իրենց աղայի դեմ և որպես ժողովրդին զրգուղ մեղադրվեց քահանաներից մեկը: Ներսես կաթողիկոսի միջնորդությամբ Թիֆլիսից ուղարկվեց հատուկ քննիչ, որին գյուղացիության ներկայացրած դո-

⁸ Земские.

⁹ Эврез.

¹⁰ Иваненко В. Н. указ. соч., էջ 359.

¹¹ Թիֆլիս, 1908, էջ 80—83:

¹² Ռուսական տիրապետության հաստատման օրից պահանջվեց, որ յուրաքանչյուր ահաատ՝ լինի նա արտոնյալ դասակարգին պատկանող, թե պարզ գյուղացի, արհեստավոր և այլն, բացի իր հատուկ անունից և հոր անունից, ինչպես մինչ այդ էր, ունենա կայուն ազգանուն՝ տոհմանուն, որով նա պետք է հիշատակվեր թե ցուցակագրության միջոցին և թե այլ վավերագրերում: Պաշտոնական գրությունների մեջ ազգանունները վերջանում էին ուսական ով և եվ վերջավորություններով—Мелик-Парсаданов, Мелик-Сафразбеков, Мелик-Тангиев, Сефиев, Рос-тамбеков, երբեմն որևէ ածական հավելումով Мелик-Парсаданов—Аджанан-Карханский, իսկ հայերեն եան վերջավորությունով՝ Մ. Փարսադանյան, Մ. Սաֆրազբեկյան, Մ. Քանգյան: